



«Қуёшлиқ истасанг, касби камол эт»

**Пойтахтимизда Марказий Осиёда ягона
Меҳнат ва ижтимоий муносабатлар академиясининг
тантанали очилиш маросими бўлиб ўтди.**



ЎЗБЕКИСТОН КАСБА УЮШМАЛАРИ ФЕДЕРАЦИЯСИ РАИСИ ҚУДРАТИЛЛА РАФИҚОВНИНГ МЕҲНАТ ВА ИЖТИМОЙ МУНОСАБАТЛАР АКАДЕМИЯСИНИНГ ТАНТАНАЛИ ОЧИЛИШ МАРОСИМИДАГИ НУТҚИ

Ассалому алайкум ҳурматли тадбир иштирокчилари, азиз меҳмонлар, қадрли талабалар!

Хонимлар ва жаноблар!

Аввало, барчангизни Ўзбекистон касба уюшмалари тарихига олтин ҳарфлар билан ёзилмақ кутлуғ кунда муборакбод этаётганимдан беҳад бахтиёрман!

Сизларнинг юзингиздаги самимиятни, порлаб турган кўзларингиздаги нурни кўриб, очиги, кўнглимиз тоғдай кўтарилди.

Мана – Янги Ўзбекистоннинг эртаси, биз ишонган янги авлод!

Аён ҳақиқат шуки, қалбида Ватанга ва халққа меҳру садоқати жўш уриб турган инсонларгина Ватан тарихини ёзишга қодир бўлади. Бугун Президентимиз Шавкат Мирзиёев айнан мана шу ёшларга, оловқалб ўғил-қизларга бу йўлда юксак ишонч билдирмоқда.

Зеро, улар бизнинг истиқболимизни белгилашга, уни янада баландроқ чўққиларга олиб чиқишга қодир авлоддир!

Жаҳонга янгидан тақдим этилаётган мамлакатимиз замонавий дунёга ҳар жиҳатдан мос ва катта саҳналарда туришга муносибдир.

Мен бугун катта ифтихор билан Самарқанд шаҳрида бўлиб ўтган тарихий воқеалик – Шанхай ҳамкорлик ташкилотининг саммити аҳамияти ҳақида икки оғиз тўхталиб ўтмоқчиман.

Азизлар, биз янги англашимиз ва идрок этишимиз керакки, дунёнинг ҳам иқтисодий, ҳам интеллектуал, ҳам ҳудудий, ҳам беқиёс ер усти ва ер ости бойлиқларига эга бўлган 14 та давлати раҳбарининг айнан Ўзбекистонда, ер юзининг сайқали бўлмиш Самарқанд заминидан бир даврага жам бўлиши, бу – тарих, буюк тарих!

Бўлиб ўтган учрашувлар, билдирилган фикр-мулоҳазалар, олиб борилган музокараларнинг натижалари узоқ йиллар минтақамиз ҳаётига ёруғлик, янгиланишлар олиб келишига шак-шубҳа йўқ.

Бутун дунё аҳли ушбу Саммит баҳона янги Ўзбекистон салоҳиятига, унинг йўлбошчиси кўзлаган ёруғ ниётларга ошно бўлди. Айни шу маънода, Самарқанд саммити барчамиз учун ифтихор туйишга тўла асос бўла олади, шундай эмасми?

Биз ўз олдимизга мамлакатимизда Учинчи Ренессанс пойдеворини барпо этишдек улғун мақсадни қўйган эканмиз, бунинг учун Хоразмий, Беруний, Ибн Сино, Улуғбек, Навоий ва Бобурлардек дунёни ўзига қаратган улғун аждодларга муносиб авлодни тарбиялаб берадиган муҳит ва шароитларни яратишимиз керак. Бугун муҳтарам Президентимиз томонидан олиб борилаётган тарихий янгиланишлар моҳиятида шу авлоднинг эртанги фаровон ҳаётига масъуллик зоҳир бўлиб турибди.

Жумладан, ўтган тўрт-беш йил ичида юртимизда таълим тизимини изчил ривожлантириш борасида аниқ ва кенг қўламли комплекс чора-тадбирлар амалга оши-



рилди. Биз шу қисқа муддатда ижтимоий ҳаётнинг турли йўналишларида янги кадрлар тайёрлашга мўлжалланган ўнлаб янги олий таълим муассасаларининг ташкил этилганини кўрдик.

Тасаввур қилинг, бугун ҳар бир Ўзбекистон фарзанди олий таълим олиш истагини рўёбга чиқариш имконига эга бўлмоқда. Бу айтишгагина осон бўлган ишдир.

Мамлакатимизда Марказий Осиёда ягона ва ноёб ҳисобланган Меҳнат ва ижтимоий муносабатлар академиясининг ташкил этилиши ҳам ана шу улғун ниётнинг ижобати, десак асло муболаға бўлмайди.

Айни фурсатда сиз, азиз ўғил-қизларимизга шундай имкониятни яратган муҳтарам Юртбошимизга барчангизнинг номингиздан самимий миннатдорчилик билдиришга ижозат бергайсизлар! Зеро, Меҳнат ва ижтимоий муносабатлар академияси шахсан давлатимиз раҳбарининг ташаббуслари ҳамда 2021 йил 23 августда имзолаган қарорларига мувофиқ ташкил этилганини алоҳида таъкидлашни истар эдим.

Мазкур академия, энг аввало, меҳнат ва ижтимоий муносабатлар соҳасида тобора катта заруратга айланиб бораётган мутахассисларни тайёрлаш мақсадида ташкил этилди.

Барча халқаро талабаларга жавоб берадиган ушбу муассаса 850 ўринга мўлжалланган бўлиб, жорий йилда бу ерга 1300 нафарга яқин абитуриент ҳужжат топширди ҳамда 300 нафар энг билимли, изланувчан ёшлар ўқишга қабул қилинди.

Биринчи ўқув йилида академияга меҳнат муҳофазаси ва саноат хавфсизлиги, ҳаёт фаолияти хавфсизлиги, инсон ресурсларини бошқариш, ижтимоий иш, психология, менежмент, меҳнат ҳуқуқи йўналишлари бўйича бакалаврият босқичига талабалар қабул қилинди. Кейинги йилларда академияда йўналишлар сони кенгайтирилади ва магистр-

лик босқичи ҳам иш бошлайди. Жорий йилдан эътиборан академиянинг сиртки бўлими ҳам очилади.

Таълим даргоҳида ўғил-қизларнинг сифатли таълим олишлари учун барча шароит ва имконият яратилган. Бу ерда уларга ўз соҳасининг етук профессорлари, тажрибали устоз ва ўқитувчилар илм-фан сирларидан сабоқ берадилар.

Шу маънода, тўлиқ ишонч билан айтиш мумкинки, ушбу академия мамлакатимиз таълим тизимини янги мазмун билан бойитиши, албатта.

Мана шундай тарихий паллада қувончимизга шерик бўлиб, ушбу анжуманда иштирок этаётган барча юртдошларимиз ва меҳмонларимизга қарата айтмоқчиман: хуш келибсиз, азизлар! Барчангизни мана шундай мўътабар маскан иш бошлаётгани билан чин дилдан табриқлайман!

Ишончим комилки, мазкур даргоҳ Ўзбекистонимизни ҳар томонлама ривожлантириш, дунё миқёсида рақобатбардор мамлакатга айлантиришга муносиб ҳисса қўша оладиган ва соҳага салоҳиятли кадрлар тайёрлашнинг асосий генератори бўлиб хизмат қилади.

Бу борада академияда иш бошлаётган ҳурматли устоз ва мураббийлар, ёшларга мурожаат қилиб, уларни илм-фан равнақи йўлида янада фаол бўлишга даъват этаман.

Сўзимнинг якунида буюк мутафаккир бобомиз Алишер Навоийнинг ўз даврида ёшларга қарата айтган қуйидаги сўзлари ила академиямизнинг қалдирғоч талабаларига юзланмоқчиман: «Қуёшлиқ истасанг, касби камол эт».

Яъни, ҳар бирингиз инсонларга қуёш каби зиё нурини таратишни, яхшилик қилишни умрингизнинг мақсадида айлантиринг! Бунинг учун эса камолотга интилиб, илм-фан сирларини пухта эгалланг, ўз соҳангизнинг етук билимдонига айланинг!

Игна билан кудуқ қазийдик шарафли ва машаққатли изланишларингизда Яратганимиз ўзи сизларга мададкор бўлсин!

Ушбу фурсатдан фойдаланиб мазкур таълим даргоҳини бунёд этишда куну тун тиним билмай меҳнат қилган ўзининг устаси бўлган барча қурувчиларимизга, академиянинг васийлик кенгаши аъзоларига ўз номимдан ва Федерация раҳбарияти, қолаверса, бугунги тадбир иштирокчилари номидан чуқур миннатдорчилик билдиришга ижозат бергайсиз! Илоҳим, юртимизнинг янада гуллаб-яшнаши йўлидаги бунёдкорлик ишларида ҳеч қачон толманг, хонадонларингизга файзу барака ёғилсин!

Азиз дўстлар!

Жонажон юртимиз тинч бўлсин, шу азиз халқимиз бахтига маърифатпарвар Юртбошимиз доимо соғ ва омон бўлсинлар!

Сизларга муस्ताқкам соғлиқ, бахт-саодат, янги ютуқ ва омадлар тилайман!

Кутлуғ даргоҳ яна бир бор барчамизга муборак бўлсин!

Эътиборингиз учун раҳмат!



